

Elezabeth yi ani wiig ne habie riig rey shii
Hamangkhung-aphuii è hamangkhliie Gabyiel shii Galili
pha bajarai hà Nazareth beng pha ithua hà thoh ge ro.
Ai è ji pha mua yi Joseph è yie pha ro è gang pha bimi
jishii yao, ai ne Dawid Saja pha riing ro, ji pha bimi beng
yi Mery ro.



Hamangkhlie è aishii yao, "Mery; arum
chid rabo. Hamangkhung-aphuii è na
shii bushun rek ro. Na ne ani wiig ruii
phro chiih-è dufuii giak ruii phro,
chiih-è na aishii Isu beng bo. Ai
ne bajo boh phro Chiih-è aishii
ne bajo giu pha

Hamangkh-ung-aphuii Dufuii
rone ho ruii phro. Ithong

Hamangkhung-aphuii è aishii ne awai
blang Dawid mirek pha ji duiine saja
rab phi phro, Chiih-è ai ne Jakhob pha

riingthek shii idang pha saja rey
ne rai ruii phro, airo boh riichai
ne khuchung de ajong phro!"



Mery è hamangkhliie shii yao, "Gu ne
giang bimi ro, ji è, nyie khi-èrek ne hì
rey mua phlei?" Hamangkhliie è
chang, "Ragung so de na shii wuii
ruii phro, chiih-è
Hamangk-hung-aphuii ro blu
de na lakhung shii thog
ruii phro. Ji pha Chiang
è hì pha ani So shii
ne

Hamangkhungaphuii
ro dufuii rone ho

phro."



Achia dang pha idoh shii Mery è saro srane
Judea soh pha phiingduii hà riie ne jog wuii
dun. Ai è Zekharia hò hà wuii srane Elizabeth
shii salam phi. Elizabeth è
Mery è khung ne yao pha
ji nyayoi dang mage shii,
ani yi ai lui iliing hà sid,
chiih-è Elizabeth ne
Ragung So è ley dun,
Chiih-è goh gang è
yao, "Na ne zab pha
hò-amuii è de bajo
khirzey um ro, chiih-è
na giak pha ani ji de



bajo khirzey um ro!"



Hì ne Isu Masi khi-èrek ne giak pha ji ro. Ai amuii Mery ne Joseph è shadiegang rekjong ne ruii pha bimi ro. Jishii, ai ne ayiy-agey ba pha ibi shii ai ne Ragung So è ani wiig yi pha doh. Joseph ne idang giang sieng ne rai pha bran ro, jiè ai ne Mery shii ug ne che pha saro, nyieliieshii ai è Mery shii hong ne biwo rek yi pha ayang ro.



Ai è ji è now ramuii shii, Ithong pha hamangkhliie jia ai ibang shii dongkhlei ruii ne aishii yao, "Dawid riing è giak pha Joseph, Mery shii na yiy rek ne noh pha arum chid rabo, ai ani ji ne Ragung So re-è wiig yi ro. Ai è ani bufuii jia giak ruii phro, na ne ji pha ani shii Isu beng bo, nyieliieshii, ai è awai branthek shii awaithek layog è ragia rek phi ruii phro."



Ji-è Joseph sieng srane lthong pha hamangkhlhie è khi-èrek ne yao pha duiine Mery shii awai yiy rek noh. Jishii, ji pha ani agiak sapho ne ai è ji pha Mery rog shii ò amen ro. Chiuh-è Joseph è aishii Isu rone beng.



Ji pha ishak shii Bisiu Augusthus è Roman bukho boh
thiig shii bran ibeng zey pha yung. Zab pha brantheK
wuii srane awaithek ibeng
zey pha awaithek thawun
hà wuii dun.

Joseph de Galili
pha Nazareth



thawun è
Judea pha Bethlehem
thawun, Dawid saja giak pha ji hà wuii dun.



Joseph thiisa hà wuii pha ji ne, nyieliieshii ai de Dawid
saja pha riing è giak pha ji muwuii ro. Ai de awai
è gang pha Mery rog shii
ibeng zey pha wuii dun, ai
ne ani wiigjong
ro, . . .



. . . Chiih-è ithek
Bethlehem hà ba shii,
aishii ani giak pha ishak
thog dun.



Ai è dufuii giak bi, chiih-è aishii yung è jiang srane rogo
hà chab ne ruii, thiisa hà ne ai rai pha ùgud de oi ro.



Ji pha soh iring jia hà de brogphotohek de nyaliak shii
habiu hà de awaithek shiishai riig ne rai. Ithong pha
hamangkhlhie è ithek moe shii dong
khlei ruii, chiih-è Ithong pha
biisiie ithek
lakhung
shii chuang
khlei ruii.



Ithek ne bajo sham ne rum dun, Ji shii hamangkhlhie shii
è ithek shii yao, "Arum chid rabo! Nathek shii phi pha
gu ichiih mua wie rog shii um ro. Gu
ne ichiih shii zab pha
brantek
shii boh
lubo phi pha
ji yao pha
wuii phro."



"Sudoh pha sud shii Dawid saja pha thiig shii, nathek shii ragia rek phi pha Ithong Masi giakjong ro! Ji thieg yi pha ne, ithek è ani jia yung shii jiang ne rogo iliing shii

thieng ne rai pha doh ruii phro."



Hamblo shii hamangkhung pha boh arming
hamangkhliie rog shii wuii thog srane,
Hamangkhung-aphuii shii lasothek
bai phi:



“Zab è giu pha Hamangkhung-aphuii shii hamangkhung
hà biisiie rey bo, sohnyiak hà na è hanyie
shii sang pha ji shii de liijiing phi bo!”



Hamangkhlie shii ithek è idoh
hamangkhung hà dun marui shii, brogpho
awaithek chung yao rai, "Cho gethek de
Bethlehem hà wuii srane Ithong è gethek
shii yao pha duine ji rey dun
pha ji riig rai."



Ji è ithek khthiie wuii dun ne Mery nane
Joseph shii doh chiih-è ani yi rogo iliing shii
thieng ne um pha doh. Brogphotohek èaishii
doh mage shii, hamangkhliie shii è ani
chiang shii nyie yao pha ji yao
phi.



Isu ne Juda pha
Bethlehem thawun
shii Herod è saja
khoh ne rai ramuii
shii giak. Khthiie
ji pha idoh shii,

giak branthek hanyie yi dadiangthek
gayiig rek pho, bichiu è Jerusalem
hà wuii thog ne sai, "Jewthek pha
saja rek ruii pha ani giak
pha ji ne khi hà lei?"



“Gathek è airo
dadiang ne bichiu è ichiih shii
chuang thog pha doh dun ro, jiè
gathek de aishii misiasia pha ichiih
shii wuii ro.”



Ji-è, Herod saja ne bichiu è wuii pho shii ug srane male ho srane ne dadiang dong pha isbang ishak ji nathek è thieg. Jipha idoh ai è nathek bichiu è wuii pho shii hì pha muyuathék rog shii Bethlehem thoh ge: "Wuii srane ji pha ani shii gayiig ne sow bo, nathek è aishii doh mage shii, gu shii de thieg yi bo, jiè gu de aishii wuii srane misiasia mua."



Chiih-è ithek ne dun dun. Din ne nathek bichiu hà doh
pha dadiang ji ne dinne doh din. ItheK ji doh mage shii,
ithek ne khama sang dun, ithek
ne bajo lised dun! Ji ne ithek è
ibi wuii ne ani um pha lakhung
shii thung dun.



Ithek è ji pha ani giak pha hò bucho khud ne ani yi awai amuii Mery rog shii iang pha doh mage shii, ithek ne lagiung niing srane aishii misiasia. Ithek è awaithek ro san, bisikho nane remnow pha mana chiih-è lasen yi ji pha ani shii phi marui.



Jipha idoh ithek ne gai lumuii è dong ne awaithek soh
hà dun dun. Nyieliieshii, Hamangk-hung-aphuii è ithek
shii Herod shii idoh adun rabo ne
ibang shii bang ne phriie.



Ithek dun ched pha idoh shii,
Ithong pha hamangkhliie è
Joseph ibang shii yao, "Herod
ne ani ji ua pha sow ramuii ro,
ani nane ai amuii shii noh ne
Egyph thiig hà yo ne rai
mage bo, nashii aho sbo
ne thiisa rai bo." Joseph
sieng srane ji pha ani
nane ai amuii


shii noh srane habiu dang
shii Egyph thiig hà yodun.



Ai è thiichiih shii Herod a-iy ba
sapho thogdang pha rai marui.
Hìthek rey pha ji è Ithong è
khi-èrek ne chaig pho è
yaojong pha ji izai rey yi pha
ji rek ro, "Gune gu dufuii
shii Egyph è ho jong ro."



Herod è bichiu re-è wuii pha
biwenthek è aishii khinrin marui
pha ji thieg ne bajo lijieg dun.
Ji-è ai ne awai brantheek shii
yung ne Bethlehem nane
thiichiiah nui shii um pha thiig pha
aniphiing dam nyi è luyi ne khama





jia um
pho
shii
zab ua



muii bo ne yung.



Dadiang dong pha ishak pha
chiang è ai ne biwenthek è nyie
id pha ji pha ishak pha sasab
rek ne hì pha blia rek.



Herod iy dun pha idoh re-è
Ithong pha hamangkhlhie è
Egyph hà Joseph ibang shii
bang, ne yao, "Sieng srane
ani nane ai muii shii noh ne
Israel pha soh hà dun
din mage bo,
nyieliieshii, ani ji ua pha
bidiang pha bran ji ne

iyjong dun ro."



Jishii, Joseph è Arkhelaus,
Herod pha dufuii è
Herod Chiang Juda shii
saja khoh muui rone yoi
mage ne rum
srane



thiichiih adun. Ai ibang
shii yua din mage ne jiè ai ne
Galili pha soh hà dun dun.



Chiih-è Nazareth beng
pha thawun shii hò
rung ne raidun. Ji ne
chaigthek è khi-èrek ne
yao marui pha ji
izai rey



dun ro: "Ai ne
Nazareth pho rone ho ruii phro."



Chiih-è Hamangkhung-aphuii è
sohjambling shii bajo miie rek ne awairo
Dufuii iphen jia ji de phi muii, jiè hanyie
magungde aishii migi rek arone ji pho
ne khuchung de a-iy phro, jishii
idang pha chai mua
ruii phro.



Romanthek 3:23 Zab pha bran è layog rek chiih-è Hamangkhung-aphuii ro biisiie è ruang dun marui.

Romanthek 6:23 Layog ne iy pha riinang phi ruii phro; jishii Hamangkhung-aphuii ro lei pha lasen Masi Isu gethek ro lthong rog shii ò rai yi pha idang pha chai ro.

Hebriuthek 9:27 Zab ne luang jia ne iy chid, chiih-è ji pha iidoh è Hamangkhung-aphuii chua ruii phro.

Iphisithek 2:8,9 Chiih-è hì ne Hamangkhung-aphuii bushun è nathek ro migi ji è ragia rey ge ro. Hì ne nawaithek musnak è ragia arey ro, Jimagungde Hamangkhung-aphuii pha lasen ro. Ji-è hanyie de ji pha Chiang shii nyigodog arek mua phro.



Romanthek 10:9,10 Gethek è Isu Ithong shii Hamangkhung-aphuui è iy pha ji è hòì phi rone migi rek arone nathek ne ragia rey phro. Hì ne gethek ro migi è Hamangkhung-aphuui rog shii giang ruii phro; chiih-è gethek sem è yao arone gethek ne ragia rey phro.

Jon 3:16,17 Chiih-è Hamangkhung-aphuui è sohjambling shii bajo miie rek ne awairo Dufuui iphen jia ji de phi muui, jiè hanyie magungde aishii migi rek arone ji pho ne khuchung de a-iy phro, jishii idang pha chai mua ruii phro. Hamangkhung-aphuui è dufuui shii sohjambling pho shii the yi pha athoh ge ro, jimagungde ragia rek yi pha thoh ge.



1 Jon 5:11-13 Khagi ne hì: Hamangkhung-aphuui è gethek shii idang pha chai phi, chiih-è hìpha chai khrug ne airo Dufuui è ro. Hanyie shii Dufuui um aishii ne hìpha chai um, hanyie shii Hamangkhung-aphuui ro Dufuui oi aishii ne chai de oi ro. Gu ne nathek shii hì zey, ji è nathek ne Hamangkhung-aphuui ro Dufuui shii migi rek pha Chiang è nathek ne ìd ruii nathek shii idang pha chai um ro.



Methiu 1-2; Lug 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Bugun NT (bgg) Bugun New Testament © NECTAR and
The Word For The World International 2018

<https://www.bible.com/en-GB/bible/2445/MAT.1>

©2026 Bible for Children, Inc.

www.M1914.org

www.bibleforchildren.org

